


ЯД
К 90

Хотууна

УУ-ЧУКУЧУКТАРГА ТЭТТИКТЭР



Дьокуускай
«Дани-Алмас»
2019

УДК 821.512.157-1-93 Корякина-Хотууна
ББК 84(2=634.1)6-5
K70

Кинигээз аалтар уруүйдара.

Корякина-Хотууна, Римма Иннокентьевна.
K70 Уу-чукучуктарга тэтгиктэр : [хохоннор] / Хотууна. – Дью-
куускай : Дани Алмас, 2019. – 92 с. – Текст : непосредственный
Агентство СИР НБР Саха

Хомуурууньукка хатыламмат дьоллоох обо саас, айылба кэрэ
көстүүлэрэ, ийэ сиргэ, дьиэ кэргэннэ таптал, кылгас остуору-
йа-хохоннор киирдилэр.

Кыра саастаах уңуяаан оболоругар ананаар.

УДК 821.512.157-1-93 Корякина-Хотууна
ББК 84(2=634.1)6-5

© Корякина Р.И.-Хотууна, 2019
© Оформление. «Компания “Дани-Алмас”», 2019

ААН ТЫЛ

Төрөөбүт тылбытын үүнэр көлүөнэбээ үөрэтий – билингни кэмнэ биңги сорукпут. Ођо тылын саппаана сайдарыгар тэттик хоһооннор ордук тийиймтий буолаллар, онтон сиэттэрэн литературнай тылга үөрэнэн төрөөбүт тылын баылыахтаах. Саха тыла өрөспүүбүлүкэбэ судаарыстыбаннай статустаах, үүнэр көлүөнэ, ыччат норуотун тылын толору ылышан үөрэтиэхтээх.

Хомуурунныукка Сахабыт сирин кэрэ айылџата, ийэбэ, абаа, тулалыыр эйгэбэ таптал туһунан хоһооннор киирдилэр.

Ааптар Хотууна-Римма Корякина

Сайын

Сана тахсар күнү кытта
Халлаан улам сырдаан барда,
Күнү көрсөн, чыычаах көтөн,
Үрья ыллаан үөһэ дайда.

Сылаас сайын имэ кэйэн
Итии тыына биллэн ааста,
Чээлэй оттоох хонуу устун
Мүөттээх салгын саба ыста.

Былыт ыган ардах түстэ,
Күммүт куотан саһан хаалла,
Сэттэ өнгнөөх кустук тахсан
Сири-үоту кууһан ылла.

Xaap

Мап-манган хаар түнэн
Сир үрдүн бүрүйэр,
Уу-чуумпу эргийэн
Тыа ихээ инийэр.

Киэн халлаан устунан
Түү былыт көччүйэр,
Күн уота сылтытан
Ил салгын илгийэр.

Аар хатын нуођайан
Хаар киистэ иилинэр,
Күөх сайын сапсыйан
Кый ыраах күрэнэр...

Саас кэллэ

Саас кэллэ биһиэхэ,
Хаар ууллан дъэ, бүттэ,
Күн тыган сылытта,
Тонг буорбут дъэ, ирдэ.

Түүн сылаас илгийдэ,
Чуор кэбэ кэбийдэ,
Тыа иһэ чэлгийдэ,
Күөх сайын дъэ кэллэ!

Ийэм миэнэ

Ийэм миэнэ нахаа кэрэ
Сырдык киһим – күнүм тэнэ,
Дьоллоох буоллун кини эрэ
Таптыыр, ахтар күндү ийэм.

Ийэм курдук хойут эмиэ
Элбэх аһы астыыр буолуом,
Кини курдук хаһан эрэ
Оюом сүүһүн сыллаан ылышам.

Саңа хаарга ким хаамта?

Санга хаарга ким хаамта?
Суолун ууран бу сүүрдэ?
Хара тыаңа ким куотта?
Ити куттас куобахчаан!

Үрье ыллаан чырыптаан,
Тула көтөн тырыптаан
Хатынг маска ким саста?
Ити чыычаах – ымыычаан!

Күнү көрсөн мичийэн,
Үөрэн-көтөн долгуйан,
Киммит миигин кэтэстэ?
Күндү ийэм барахсан!

Ийэм миигин кэтэхэр

Сибэккилээх хонуubar
Күнү бына оонньуубун,
Тыалы ситэн куотабын,
Лыабы тутан дайабын.

Ыраас өрүс уутугар
Чомполонон ылабын,
Алаас куула тыатыгар
Чыычаахтардын ыллыбын.

Сылаас салгын илгийэр,
Ардах түһэн ибиирэр,
Миигин ийэм кэтэхэр,
Күүтэн олус долгуйар.

Алта сааспын туолбутум

Алта сааспын туолбутум,
Сатаан аабар буолбутум,
Ахсааны да кыйайбытым,
Барытын сатаабытым.

Алтан чуораан тыаһынан
Оскуюлаң киирбитим,
Кичэллээхтик үөрэнэн
Сахам тылын билбитим.

Куруук биэһи ылабын
Бастынгнара буолабын,
Учууталбын таптыбын,
Ийэм курдук саныбын.

Теннис

Төлө көттө,
Тэйэн ылла,
Кыра, манган
Мээчик сыйна.

Манна буолла
Сытыы киирсии,
Халты охсуу,
Сымса туттуу.

Сетка нөнүө
Мээчик көтөр,
Араас албас,
Харыс халбас!

Теннис – ооннуу,
Ооннуу – күрэс,
Чахчы кыхтаах
Бына кыйяар.

Кыайыы күнэ

Бүгүн Улуу Кыайыы күнэ,
Бүгүн үөрүү-көтүү күнэ,
Эхэм миэнэ хорсун буойун,
Уоттаах сэрии биир саллаата.

Кини түөхэ уордьан, мэтээл
Күн уотугар килбэнниир,
Норуот халынг сүүрүгүгэр
Тэбис-тэннэ үктээн ааһар.

Сытыы буулдья аннытынан
Кыһыл былаах туппутунан,
Дойду иһин хаанын тоҕон
Кыайыы күнүн ажалбыта.

Эхэм миэнэ хорсун буойун,
Уоттаах сэрии биир саллаата,
Бүгүн Улуу Кыайыы күнэ,
Бүгүн үөрүү-көтүү күнэ!

Саңа дыылга

Хойуу күөх лабаалаах
Харыйа киэргээмmit,
Уон араас уотунан
Күлүмнүү умайбыт.

Мөһүүрэ киэргэлэ
Көмүстээх эбитет,
Эриэккэс оонньуура
Олус да элбэхтэр.

Харыйа тулалаан
Эргийэ ыллыахпыт,
Саңылчаан, куобахчаан
Сиэттиһэ хаамыхыт.

Бу аптаах киэһэбэ
Саңа дыыл үүнүөбэ,
Ођо дьон үөрүөбэ,
Дьол эрэ кэлиөбэ.

Мин суоппар буолуом

Аյам миэхэ куораттан
Кэхии ылан аялла –
Улахан да улахан
КАМАЗ курдук массыныа.

Эхэм, айам суоппардар,
Иккиэн бииргэ сылдъаллар,
Өрүс унуор бараллар,
Оттук маңы таһаллар.

Хойут, баҕар, мин эмиэ
Суоппар буолан айанныам,
Массынабын собуоттаан
Саха сирин кэрийиэм.



Худуоһуннъук буолуоҕум

Кинигэбин арыйан
Ойууларын көрөбүн,
Худуоһуннъук үлэтиң
Олус-олус сөбөбүн.

Чээлэй күөххэ, хонууга
Сибэккилэр үүммүттэр,
Ыраас халлаан ньууругар
Үрүн лыхатар көппүттэр.

Манна кыллар, куобахтар,
Ууга устар балыктар,
Үөһэ көтөр чыычаахтар
Чахчы тыыннаах курдуктар.

Кинигэбин кичэйэн
Илдээ сылдыям куруутун,
Худуоһуннъук буолуоҕум,
Улаатаммын хойутун.

Этиң әрә миәхәбә

Этин әрә миәхәбә
Күммүт дыиэтә ханнаный?
Киәһә аайы биир
кәмнә
Тоң саһан хааларый?

Этин әрә миәхәбә
Куобах тоң манганый?
Оттон тоң сайынын
Түүтә атын буоларый?

Этин әрә миәхәбә
Былыт ханна устарый?
Дохсун ардах түһэрәр
Уутун хайдах уйарый?

Этин әрә миәхәбә
Этин тоң тыаһырый?
Хаарбыт хантан түһэрий?
Үйбыт ханна сүтэрий?

Үһү үскә эптәххә
Тоң алта буоларый?
Этин әрә миәхәбә
Кып-кыракый киһиәхә.

ЧУРАЛЧИНСКАЯ Ц
ДЕТСКА
БИБЛИОФУРМА

Кымырдаас

Кымырдаас уйатын
Тыыппат буолун, оболоор,
Кып-кыракый бэйэтин
Күүстээх эбит дэһэллэр.

Биир уйаџа сүүсчэктээ
Кымырдаас дьиэлэнэр,
Бары тустаах үлэбээ
Сүүрэктээлиир эбиттэр.

Үараханы дајаны
Тэбис-тэнгнэ соһоллор,
Төкүнүтэ сылдьаннаар
Бары саба түһэллэр.

Бары анал хостоохтор
Онно хонон тураллар,
Ардах түһэр кэмигэр
Сahan, бүгэн хаалаллар,

Кымырдаас уйата
Көстөр буолар ыраахтан,
Ону олох тытыман,
Алдьатангыт ыныман.

Cirp aha

Сайын сана буолуута
Ођо дьоннор мусталлар,
Хонуу луутун хомуйя
Ыраах сиргэ бараллар.

Дъэдъэн ситэн тэтэрэр,
Алаас иһэ дыргыйар,
Ыаџайалаах кыргыттар
Дъэдъэннээри сүүрэллэр.

Сылаас ардах курулаан
Түһэн ааһар быстахтык,
Хатынг чаранг быынынан
Тэллэй үүнэр астыктык.

Хаптаастаах моонньођон –
Битэмиииннээх отоннор,
Кыыннары хааанан
Барыянньалыр үчүгэй.



Онтон отон дъэ, бунар
Ойуур аайы кытарар,
Отон курдук оболор
Обуруолуу сырсаллар.

Куоскам

Куоскам аата Мээчикчээн
Аатын курдук мэнитчээн,
Күнү бына сүүрэлээн
Онно-манна элэнниир.

Күнтэн түхэр күлүгү
Эккирэтэр тутаары,
Ханан ситэн ылаары
Ыстаналыыр үөхэттэн.

Сылаас сиргэ сыламнаан
Утуйарын сөбүлүүр,
Онтон оргууй тыылангаан
Эмиэ сүүрэн көрүлүүр.

Миигин кытта мэниттиир,
Эккирэтэн да ылар,
Дыиэни ынан кэбинээр
Кини онно ынаммат.

Ол мин дойдум – Сахам сирэ!

Мин куоракка олоробун,
Саха омук оботобун,
Төрүт сирим тэбэр киинэ –
Дьокуускайым – мин куоратым.

Дыикти кэрэ айылбалаах,
Күндү көмүс, алмаас баайдаах,
Көтөр-сүүрээр элбэх кыылаах,
Ол мин дойдум – Сахам сирэ!

Дириң чүөмпэ өрүстэрдээх,
Араас устар балыктардаах,
Кыра күөлгэ соболордоох
Ол мин дойдум – Сахам Сирэ!

Самаан сайын ыһыахтардаах,
Ньургун Бootур бухатырдаах,
Алаас аайы сардааналаах
Ол мин дойдум – Сахам Сирэ!

Хаар киhi

Таһырдъа оболор оонньууллар,
Хаар киhi онгорон үөрэллэр,
«Саас кэлбит, саас кэлбит», – дэһэллэр,
Дъэнкир уу таммахтар түһэллэр.

Хаар киhi хап-хара харахтаах,
Кып-кыňыл моркуоптан муруннаах,
Уп-уһун лабааттан илиилээх,
Күн курдук сып-сырдык мичээрдээх.

Хаар киhi оонньууга ынгырар
Оболор таһырдъа сырсаллар,
Олбуорбут оргуйан олорор
Ол онтон күн эмиэ сылыйар.



Эңэрдэ эйиэхэ, уһуяаан!

Эңэрдэ эйиэхэ, уһуяаан!
Ођо саас бигэммит уйата,
Алгыстаах тылынан долгуйан
Махталы этэбит кыттыһан.

Элбэх сыл устата угайа
Ийттэбинг кэнчээри ыччаты,
Сырдыкка, кэрэбэ уһуяа
Биэрдэбинг ийэлии тапталы.

Инники дойдубут эрэлэ
Бу мантан тирэнэн үүннэбэ,
Сангаттан сангаа, кэрэбэ
Үрдүккэ дабайан истэбэ.

Сылтан сыл ийэлии бүөбэйдээн
Көтүттүн ођобун арчылаан,
Төрөппүт махталын ылангнын
Атаардын сахалыы алгыстаан!

Үүйааммыт

Үүйааммыт биһиэнэ
Сырдык, ыраас куруутун,
Сибэккилээх түннүүккэ
Күммүт тыгар өрүүтүн.

Күнгэ үстэ аһыбыт,
Повар аһын таптыбыт,
Алаадытын, хааһытын
Олус-олус ахтабыт.

Ођо дьоннор үөрэбит,
Күнү быһа ыллыбыт,
Үнкүүнү да сатыбыт,
Хоҳоон ааҕан ылабыт.

Улаатыахпыт сотору,
Оскуолаҕа киириэхпит,
Күндүтүк да саныхпыт
Үүйааны, эйигин!

Остуоруя истэбит,
Мультиктары көрөбүт,
Охуохайдаан тэйэбит,
Оонньоон көрү тардабыт.

Сыртан түнэ оонньуубут

Салаасканан сырлаан
Сыртан түнэ оонньуубут,
Тыалы кытта сырсынан
Үрүх-ыраах түнэбит.

Чэпчэкитик дугунан
Хаттаан сырга тахсабыт,
Онтон эмиэ кыналлан
Сырылатан ааһабыт.

Күнү бына дъэ, оннук
Күнү бараан оонньуубут,
Күлэн-үөрэн дуоһуйан
Хаары кытта тустабыт.

Арыт хаарга сууллабыт
Төкүнүйэн хаалабыт,
Онтон өссө астынан
Турууланан турабыт.

Багира

Үраах хоту улуустан
Булчут ыты ылбырпыт,
Кини икки саастаађа,
Багира диэн ааттаађа.

Тиихи, киихи ыраахтан
Эндэппэkkэ билэрэ,
Хара тыаттан сонордоон
Тииikkэ хаайан үрэрэ.

Үппыт манган түүлээбэ,
Элэнгнэтэн түргэнэ,
Куска-хааска үөмэрэ,
Биһигини үөрдэрэ.

Багирабыт барахсан
Булчут бэрдэ да этэ,
Оннук өйдөөх ыты мин
Кэлин көрө иликпин...


Үркый ойуур быыһынан
Моргуй бөյө буолара,
Арыт туртас ирдэһэн
Суолун ситэн быһара.

Быраас буолуоңум

Ийэм быраас идэлээх
Дьону эмтээн үтүөрдэр,
Кини үтүө сүрэхтээх
Эмин биэрэн сүбэлиир.

Арыт түүнүн утуйбат,
Ыксаан сүүрээр көмөжө,
Ардах түстүн аахсыбат
Оннук тиэтэл үлэлээх.

Үарынхтар махтанан
Хайбыылларын истэбин,
Ийэм курдук буолуоңум,
Быраас буолан туруоңум.



Оођуй

Оођуй ођус илимин
Окко-маска ыйаата,
Оргууй собус сэрэнэн
Илим иилэн дъэ, бүттэ.

Сahan хаалла бэйэтэ,
Хахха сиргэ кэтэстэ,
Хамсаан көрбөт, мөхсүбэт,
Харађа да көстүбэт.

Оннук күнүн бараата,
Киэхэ буолан ыксаата,
Үөннэр күлүү гыналлар,
Ыраађынан көтөллөр.



Үрүүй

Сана ыраас илиискэ
Охир-ойгу түһэрдим,
Энгин дыкти кырааска
Сибэккитин үүнэрдим.

Ыраас ууга, өрүскэ
Сөтүөлүүллэр оюлор,
Ардах түһэн, эмискэ
Үрүө-тараа сырсаллар.

Сэттэ өнгөөх кустугу
Дьэргэлдьитэн кэбистим,
Чалбах уутун толору
Халыңытан тэбистим.

Халлаан устун күн уотун
Ылан сири сырдаттым,
Киистэ ылан ойуулаан
Сайыммытын санаттым.

Күңгүн

Бүтэхник үөр хаастар аастылар
Сайыны күрэтэн бардылар,
Ол аалга олорсон куоттулар
Сыралбан куйаастар, сарыаллар.

Кырайар халлааны тыраннар
Көтгүлэр туус манган кубалар,
Күңгүнгү күн көмүс утабар
Хатыннар сууланан тураллар.

Сиккиэр тыал ардахтын ибиирэн
Сайынан ытаан ылаллар,
Куула тыа көмнөбүн түһэрэн
Чункуюар чуумпуга куустаарар...

Остуоруяа

Арай биирдэ кутайах
Хороон хастан олорбут,
Туорах бурдук тобојун
Хааас аһын булуммут.

Биирдий күнгнэ – биир туорах
Өлүүлээмmit күөһүгэр,
Тымныы кыһын – биир отон
Эбилибит күнүгэр.

ОНТОН АРАЙ ЭМИСКЭ,
ХАНТАН ЭРЭ ЭБИИСКЭ
ХАААС АҺЫН АСАНАР
КҮТЭР ДЬУКААХ ҮАЛЛАСПЫТ.

«Эһиил санга хороону
Тутан биэриэм», – диэн эппит,
«Киэһэ аайы хоноону
Анаан айыам», – диэн буолбут.

Түүнүн аайы күтэрбит
Уоран аһыыр, кэбийэр,
Отон сыйтын мэлийбит,
Туорах хахтын суюх буолбут.

Кутуйахчаан кынырыбыт
Дьукаабыттан көрдөспүт:
«Аймахтаан бүтүөххэ,
Икки ангыы барыахха!».

Онтон ыла кутуйах
Туспа хороон хастыбыт,
Оттон күтэр уоруяах
Онтон-мантан ахаабыт.

Остуоруя

Арай биирдэ кутайах
Хороон хастан олорбут,
Туорах бурдук тобоџун
Хаһаас аһын булуммут.

Биирдии күнгэ – биир туорах
Өлүүлээмmit күөһүгэр,
Тымныы қыһын – биир отон
Эбилибит күнүгэр.

ОНТОН АРАЙ ЭМИСКЭ,
ХАНТАН ЭРЭ ЭБИИСКЭ
ХАһААС АһЫН АСАһАР
КҮТЭР ДЬУКААХ ҮАЛЛАСПЫТ.

«Эһиил сана хороону
Тутан биэриэм», – диэн эппит,
«Киэһэ аайы хоһоону
Анаан айыам», – диэн буолбут.

Түүнүн аайы күтэрбит
Уоран аһыыр, кэбийэр,
Отон сыйтын мэлийбит,
Туорах хахтын suoх буолбут.

Кутайахчаан кынырыбыт
Дъукааыттан көрдөспүт:
«Аймахтаан бүтүөххэ,
Икки аныы барыахха!».

Онтон ыла кутайах
Туспа хороон хастыбыт,
Оттон күтэр уоруяах
Онтон-мантан аһаабыт.

Саахыматчыт оболор

Саахыматчыт оболор
Күрэстэхэ бардылар,
Уруккуттан ооннууллар
Иккиэн күүстээх уолаттар.

Ньургун түөрдүн туолуута
Эхээтиттэн үөрэнэн,
Албастарга эрчиллэн
Саахыматчыт буолбута.

Айсиэн уолу абата,
Кэлин өссө тренерэ
Олус бэркэ дьарыктаан
Миэстэлэхээр куруутун.

Дойду араас муннугар
Күүстээхтэрдиин киирсиһэн
Иннилэрин биэрбэттэр,
Мэтээл ылан үөрэллэр.

Куруук кыайыы көтөллөөх
Кыннаттанынг, уолаттар,
Үрдүк үрдэл үктэллээх
Кыайыланынг, хоруоллар!

Обуруот

Сибэккигэ уу куттум,
Көмөлөстүм ийэбэр,
Обуруоппут сыйс отун
Үргээн ыраас онордум.

Обурсуубут улааппыт,
Аха олус элбээбит,
Помидорбут кытарбыт
Хомуйохха сөп буолбут.

Хортуюоппуйбут сирэ киэн,
Хаппыстыбайт да элбэх,
Обуруоттаах буоламмыт
Ханааспытын булабыт.

Сэбиэскэй Аармыйа күнүгэр

Сэбиэскэй Аармыйа күнүгэр
Байыннай параакка кыттыстым,
Дойдуу көмүскуүр саллаакка
Мин бүгүн чиэс биэрэн хаамыстым!

Эрэллээх эркиммит – эр дьоммут
Дурдабыт-хаххабыт буолабыт,
Эйэллээх олобу түстэхэн
Сомою модун күүс эбикkit!

Мин эхэм, мин ажам, убайым
Иэскитин төлөөнгүүт кэлбикkit,
Оттон мин төрөөбүт дойдубун
Улаатан бараммын көмүскуөм!

Светофор

Айан суолун устунан
Массыналар сүүрэллэр,
Быраабыла тутуһан
Светофорга тохтууллар.

Зебра ойуу суолунан
Сатыы дьон хаамаллар,
Көнгүл биэрэр уотунан
Суолу туоруох тустаахтар.

Суолга оонньуур сатаммат,
Моһол тахсыа, сэрэхтээх,
Айан суола кутталлаах,
Светофору тутуһун!



Балыксыт

Күөгү туппут Мичилий
Күөлгэ сүүрэн киирбитэ,
Чиэрбэ иилэн, балыктаан
Алынары хаппыта.

Балык хабан, бултуйан
Үөрэн олус долгуйда,
Бииртэн биири субуйан
Байанайдаах дэппитэ.

Киэхэ аайы биэрэkkэ
Балыксыттар мусталлар,
Араас балык күөгүгэ
Хаптараллар оболор.



Саңа дылынан!

Тымныы Кыһын обонньор
Тиййэн кэллэ, оболоор,
Дыириим уоттаах харыйа
Күлүмүрдүү оонньоото.

Харыйаны тулалаан
Эргичийэ хаамтыбыт,
Илиилэртэн ылсыһан
Хороводтаан бардыбыт.

Манна бааллар куобахтар,
Тиииннэр, албын саһыллар,
Кылбаа мangan хаарчааннар,
Чаҕыл сырдык сулустар.

Эһээ Дыылбыт обонньор
Көтөх кэһии туттарда,
Сана дыылга оболоор,
Дьолу эрэ баҕарда!

Сири Эйэ кууһуохтун!

Сырдык ыраас халлаангна
Күммүт куруук тыгыахтын,
Хатынг чаран алааска
Лыхпыйт көтөн тэлээрдин.

Сибэккилээх хонуга
Ођо мустан оонньоотун,
Ньургууннаах кырдалга
Куоталаһан кылыйдын.

Уоттаах сэрии буолбатын,
Харах уутун тохпотун,
Дьоллоох ођо ыллаатын,
Сири Эйэ кууһуохтун!

Күн хомус ырыата

Этигэн хомуху ыламмын
Мин дорбоон таһааран обустум,
Алып тыын үөһэйттэн кутуллан
Дыиктигэ ылларан холонnum.

Үс кутум дуоһуйа дьоллонон
Дьүрүскэн долгунна уйдарда,
Ис тэнгим чуумпутун толорон
Лынкынас тыаһынан баһыйда.

Оо, хомус дьүрүйэ иэйэнгин
Абылаан көтүттүнг ырайга,
Дырылас тыаскынан туойангын
Дабаттын кый ыраах халлаангна.

Уйулбам налыяа уоскуйан
Талбаарар үнкүүгэ эргийдим,
Уяаас сүрэбим долгуйан
Күн хомус ырыатын иһиттим.

Кыһын

Кыыдааннаах кыһыммыт аргыйан
Кыраһа кыымнарын ыстаба,
Кытарар уот күммүт кылайан
Сарсыарда туманга састаба.

Хаарынан үлбүммүт сис тыалар
Утуктаан инийэн тураллар,
Чунгунуур чуумпуга ардыгар
Мэник тыал лабааны хамсатар.

Халынг хаар оhyора кылбайан
Сүүс араас уотунан умайар,
Тымныбыт дъэ, өссө сыйтайан
Уот кылыс тымнынан таһийар...

Кырымпа

Кырымпа кыллара таарыллан
Тынгаабыт тыыннара тылланна,
Ибигир иэйиитэ иһиллэн
Иччилээх илбиһэ тилиннэ.

Эйээркэй куолана иэттэрэн
Эңсиллэр турукка киллэрдэ,
Хаттыгас халлаантан тайанан
Кылыһах дъиктитэ дьиэрэйдэ.

О hyохай тэтимин көүллээн
Бэдьэйэ үнкүүллээн битийдэ,
Күөрэгэй ырыатын ыллатан
Куйаарга кынаттаан көтүттэ.

Көстүбэт алыпка дајаллан
Күн хомус дьурулуур тылланна,
Сахалы үс куппут таайыллан
Кырымпа тыаһыгар маҳтанна.

Дъөгөйүм оюто

Дьулурбатык хаамар-сиимэр
Дьоруо атым сондоюум,
Дыгинитэ сиэлэр-көтөр
Дьулуруйар ондоюум.

Дъөгөйүм оюто
Дьиэрэн тэбэн көтүтээр,
Дъөгөйүм барахсан
Дырылатан эн кистээр.

Дьонун мааны аяас атым
Дьяаным устун айаннатаар,
Дьүкээбилим суюумугар
Дьэргэлгэнниин аргыстахаар.

Дьолуо халлаан урсунунан
Дьолу сиэлгэр эн иилээр,
Дыикти алып аартыгынан
Дьоруолатан туйах тэбээр.

Айылџам инийдэ...

Биир түүнгэ тыаһа суюх эмискэ
Хаар түһэн үллүктээн кэбистэ,
Сир үрдэ барыта инийдэ,
Үү-чуумпу сатылаан тэнийдэ...

Үй былт быыныгар кирийдэ,
Киэн халлаан урсунун кэрийдэ,
Биир сулус сурулаан мэлийдэ,
Көй салгын тымнынан илбийдэ...

Аар тайба уоскуйан нөрүйдэ,
Күөл үрдүн муус бүрүө бүрүйдэ,
Кыл түгэн күн көрөн мичийдэ,
Туох эрэ дьиктини сэрэйдэ...

Хаар

Хаар түхэн кыыдамныыр
Сир-дойду ньуургтар,
Сана хаар хаачыргыыр
Атабым анныгар.

Уот сулус кымнара
Бу хаарга ыňыллар,
Уон араас өнүнэн
Умайан күлүмнүүр.

Хаар ыраас тыныгар
Мин санаам көннүүрээр.
Сып-сылаас тыалынан
Иэдэспэр илгийэр.

Манган хаар үллүктүүр
Сир үрдэ утуктуур,
Сыя хаары бүрүнэн
Хара тыа инийэр...

Туус маңан кубалар

Тус хоту көтөллөр
Туус маңан кубалар,
Саас аайы ааһаллар
Таас Дааны уутугар.

Мин дойдум кырдалын
Эргийэ көтөөрүн,
Төрөөбүт хонуubar
Сыннанан ылаарын.

Түү буолан хатанан
Дойдубар тиййдэрбиэн,
Кынаккыт тыаһыгар
Бигэнэн ылларбыан.

Тус хоту көтөллөр
Туус маңан кубалар,
Таас Дааным кэрэтин
Эргиллэн кэпсээрин.



Сааскы хатааһын

Сааскы хатааһын силлиэтэ
Супту үрэн силбийтэннэ,
Сылаас салгыннын күөнтэстэ,
Сири-дойдуну сиппийдэ.

Икки модун күүс харсыста
Эрбии биитинии киирсистэ,
Арыы тыа маһын тоһутта
Сэтэрэн өссө күүһүрдэ.

Тон өрүс тымны уораанын
Тыаастаахтык атааран ирдэ,
Аргыййдык самыр илгийдэ,
Иллэһэн им-дым дьэ, барда.

Айылба унуктан күө-дъаа
Чыычаах ырыатын ыллатта,
Ини-бии модун күүстэргэ
Күөх чэчир анъян махтанна...

Туллуктар

Сааын аайы манган туллук
Хоту сиргэ көтөн кэлэр,
Үрүн мээчик – кыра туллук
Халлаан кырсын кыйа тэлэр.

Ордук күүскэ онтон үөрэн
Чуораан таммах тэнгнэ тэйэр,
Чалбах уута сүүрүк аттыы
Сыңыы устун сырса оонньуур.

Чөмчүүк таастыы ыңылланнаар
Манган хаарга кылбанныллар,
Миигин тула эргийдилэр
Ођо сааым туллуктара...

Үңкүү алыба

Күн сырал уотунан сырдайан
Күөх сайын көччүйдэ алааска,
Сир-дойду чэлгийэ налыйан
Нап-нарын музыка тылаата.

Ардыгар ол матыып набыллык
Лых үөрүн үнкүүгэ эргитэр,
Ардыгар тэбэнэт доҕууол
Үөһэттэн кутулла иһиллэр.

Ол дыкти долгунна үйдаран
Кыталык дугуйа кылыйар,
Чээлэй күөх хонууга дайдаран
Алыптаах эйгэбэ куустарар...

Ийэм курдук

Ийэм миэхэ санга танас
Тигэн биэртэ ыһыах күнгэ,
Сиргэ тиййэр уһун сојус
Байбаралаах халадаайы.

Үрүн күннээх бастынганы
Кэтэппитэ олус үөрэн,
Илин-кэлин кэбиһэрдээн
Симээбитэ киэргэлинэн.

Кыра манган дэйбиирдэнэн,
Ийэм курдук маанымсыйан,
Саха мааны кыһа буолан
Тиййэн кэллим түһүлгэбэ.

Tuoc ihim

Өбүгэм былыргы дьарыгын
Туоһунан үлэтин сөбөбүн,
Сиэдэрэй оһуордаах тигиитин
Кичэйэн сыныйан көрөбүн.

Обуруу дъэрэкээн кустугун
Ыађаска түһэрэн киэргэппит,
Үөт талах көнөтүн субуйан
Ыас хара кылынан эргиппит.

Сахалыы тыыннаммыт иһити
Илиибэр ыламмын бигиибин,
Удьюорум уус хаанын оонньотон
Көстүбэт алыбар ыллардым.

Үйэттэн-үйэбэ туойуллан
Кэпсээнтэн-кэпсээнгэ сылдыяа,
Туос иһит ойуута-мандара
Уус саха урана, мындыра.

Мин эмиэ ымсыыран ылабын
Кистэлэн сииктэрин билиэхпин,
Былыргы ныматын сөргүтэн
Утумнаан хаалыхын баҕардым.

Эбэм

Сырдык, ыраас мичээрдээх
Эбэм миигин кэтэһэр,
Араас астаах кэһиилээх
Алаадылаан көһүтэр.

Сылаас чэйин сүөгэйдээн
Саахар эбэн күндүлүүр,
Ытыс муна кэмпиэттээн
Арыт кистээн маанылыыр.

Эбэм сылаас илиилээх,
Куһан сыллыыр идэлээх,
Тоёо диэтэр киниэхэ
Күнду мааны киһибин.

Кыра балтым

Балтым миэнэ Мичийэ
Биирин сана туолбута,
Хааһы бөյө мотуйар,
Күнү быһа утуйар.

Олус кыра киһичээн,
Кып-кыракый илиичээн
Көтөх көрдөөн даллангныыр,
Миигин көрөн ымангныыр.

Арыт оонньуон баџарар,
Тугу эрэ сангаарар,
Арыт хааман тоотонгнуур,
Хардыы аайы охтоохтуур.

Таптыыр мааны балтыбын
Олус күүскэ ахтабын,
Уһуяаантан тиэтэйэн
Сүүрэн кэлэн сыллыбын.

Дъэдьэн сыта

Огоойукка дъэдьэннээн
Ойуур тыаттан кэллибит,
Ихиппитин толорон
Ийэбитин үөртүбүт.

Дъэдьэн сыта дыргыйан
Үчүгэйин баһын,
Дыиэбит иһин сытынан
Тунуппута кэрэтин.

Кыһын сиэхпит барыанья,
Минниигэс да минниигэс,
Сайыммытын саныхпыт
Ичигэс да, ичигэс.

Булчуттар

Абам биһи биир сайын
Илим үтэ таарыйа
Күөлү тула хаамтыбыт,
Куска үөмэн сыйллыбыт.

Биһигини көрөннөр
Кустар ааха көттүлэр,
Алаас, сыйны үрдүнэн
Ыраах баран хааллылар.

Хата, илим үтэмmit
Собо балык ыллыбыт,
Дыиэбитигэр кэлэмmit
«Булчут дьоннор», – дэттибит.

Саңа үйэ киһитэ

Икки саастаах кыра уол
Буукубаны араарар,
Сыыппараны да билэр,
Нууччалыны да аабар.

Телефонга дағаны
Быһаарсара элбэүин,
Тарбахтара элэнгнээн
Баттыалыыра түргэнин.

«Кини оннук бэйэтэ
Үөрэнэр», – диир ийэтэ,
Саңа үйэ киһитэ
Сайдан иһэр күннэтэ.

Тымныы Кыһын оюнньор

Түннүк тааын ким эрэ
Бөлүүн кэлэн киэргэппит,
Кырыа сабыы ыйаабыт,
Олус бэркэ кичэйбит.

Ити – кэрэ Хаарчаана
Охуор анъян аастаба,
Оюлору үөрдээри
Оргууй симээн бардаа.

Тымныы Кыһын оюнньор
Торуоскатын тонсуйан
Кэлиэ кэһии тутуурдаах,
Энгин дыикти ооннуурдаах.

Кукулабар

Кукулабар кыһаллан
Тангас тигэн эрэбин,
Сиэбин, сиэбин кырыйан
Бэлэмниибин эрдэттэн.

Уһун гына быһаммын
Халадаайдаан биэриэбим,
Тимэхтэрин таламмын
Киэргэллэрдээн симиэбим.

Бастынгатын тигиэбим,
Обуруулаан тиһиэбим,
Саха мааны тангаһын
Кукулабар бэлэхтиэм.



Түйгүн уол

Быйыл Түйгүн иккитэ,
Киһи таптыыр киһитэ,
Кып-кыракый бэйэтэ
Мультиктары сөбүлүүр.

Абатыттан үөрэнэр
Тустуу көрөр, сэнгээрэр,
Охтон түһэн күллэрэр,
Мээчик курдук эргийэр.

Арыт эмиэ көннүүөрэр,
Тоёо эрэ чуумпураг,
ОНтон эмиэ тэһийбэт
Үөһэ ыттан салжанар.

Күнү бына дъэ, оннук
Күнүн барыыр Түйгүнчук,
Ийэ мааны уолчаана,
Аба күүтэр тустууга.

Сулус – кыра уол

Кини аата – Сулус диэн,
Сулус курдук сырдык уол,
Сүүрээр-көтөр, мэнитиир,
Чабылыйа мичээрдиир.

Дьоннор бары кинини:
«Дьохун киhi», – дэхэллэр,
Хойут кини улаатан
Тутаах киhi буолуоðа.

Баðар быраас буолуоðа
Эхээ курдук тиис эмтиэ,
Аðатын батан баðар
Суоппар буолан айанныа.

Миигин бары таптыыллар

Эбэм миигин нааа таптыыр,
Куруук сиэтэн бииргэ сымдар,
Кэхии ууран кистээн бэрсэр
Уонна оргууй сымлаан ылар.

Ийэм миигин күүскэ таптыыр,
Кэпсээн кэпсиир, ырыа ыллыыр,
Араас абы сатаан астыыр
Уонна кууна түһэн сымлаан ылар.

Абам миигин эмиэ таптыыр,
Күнү бына сүгэн тахсар,
Ожо курдук оонньоон сырсар
Уонна сүүстэн сымлаан ылар.

Сайын кэлбит

Халын тыаңа тонсойой
Тонсуйара иһиллэр,
Туту эрэ уһанар,
Тук-тук, тук-тук, тук-тук-тук!

Күөрэгэйбит ыллаабыт
Хатын чаран алааска,
Сибэккилээх сиһыыга
Чыычаах ыллыыр, дырылыыр,
Чып-чып, чып-чып, чып-чып-чып.

Эхээ оюото – Айсен

Ийэ, аба күнүн үөрдэн
Сүрэх ууллар уолчаан төрүүр,
Эбээ, эхээ кутун тутан
Кыра кихи туйах тэбэр.

Күнү-күннээн кини ооннуур,
Олох салбан тохтоон хаалбат,
Ити эмиэ улуу тулуур
Бииртэн бииргэ куотан барбат.

Арыт тохтоон илиис ылан
Дьонун хаана киирэн кэлэр,
Ойуу-бичик, күнэ-ыйа –
Талаан баара чахчы биллэр.

Киирбит ыалдьыт ааһан хаалбат
Кини урут көрсөн үөрэр,
Остуол аһын тарда охсоот
Хахаас кэмпиэт булан бэрсэр.

Кэпсээн-ипсээн буола түһэр,
Үрья-тойук тардан кэбиһэр,
Сыста түһэн сыллаан ылар,
«Кими эрэ баппыт», – дииллэр.

Биллэн тураг утум тардан
Олох устар силис аньянан,
Оттон кини эһээ курдук
Тойон буолуу суолун батан.

* * *

Куула тыаңа ойуурга,
Күнү быңа чоргуйар,
Кэбээтэн кэбийэр
Кук-куук, кук-куук, кук-куук-куук.

Сайын кэлбит чыып-чыып-чыып,
Кэбээтэн кэлбит чыып-чыып-чыып,
Күрөштүүбүт ыллаабыт
Дыыр-дыыр, дыыр-дыыр, дыурулуур.

Ымсы чыычаах

Арай биирдэ ымыычаан
Күнү бына ыллаабыт,
Кыыллар бары мустаннар
Кэнсиэр истэ кэлбиттэр.

Төнүргэскэ эхэчээн
Олорунан кэбиспит,
Дьэдьэн, отон кэниитин
Көтөрдөргө түнэппит.

Күөрэгэйдэр дырылаан
Күөх халлаангна көппүттэр,
Үрүн лыхатар тэлээрэн
Сибэккигэ түспүттэр.

Кыыллар олус үөрбүттэр,
Сиэтилэнхэн сүрбүттэр,
ОНтон ыла иһиллэр
Ымсы чыычаах ырыата.

Түүн

Киэһэ буолла, уу-чуумпу,
Ођолор утуйдулар,
Ороннорго сыйтылар,
Тугу эрэ түһүүллэр.

Токур ыйбыт былыкка
Бүөбэйдэнэн нуктабыт,
Сэбирдэёи бүрүнэн
Албын саһыл чуумпурбут.

Талах, ойуур быыһыгар
Куттас куобах уоскуйбут,
Хаххан арай түүннэри
Утуйбакка бултуйбут.



Пятачок

Кып-кыракый Пятачок
Бадараангна оонньообут,
Халтарыйан охтубут,
Кутталыттан ытаабыт.

Ону истэн ийэтэ
Сүүрэн кэлбит уолугар,
Ыраас ууга сайбаабыт,
Суийан-сотон сыллаабыт.

Кып-кыракый Пятачок
Ырааһыран ыллаабыт,
Төп-төгүрүк хараһа
Үөрүүтүттэн сырдаабыт.

Кэбэлэр

Сааын аайы кэбэлэр
Манна көтөн кэлэллэр,
Кук-куук, кук-куук кэбийэн
Түүнү быха этэллэр.

Сылаас кэмнэ кинилэр
Үөрэ-көтө көтөллөр:
«Сайын кэллэ», – дэхэллэр,
Үүнэр күнү көрсөллөр.

Обо дьоннор үөрэллэр,
Сөтүө кэмин күүтэллэр,
Куула тыађа кэбэ кыыл
Чоргуйара иһиллэр.

Хорсун куобах

Ойуур устун куобахчаан
Сүүрэн испит ойуолаан,
Аччык бөрө кэнниттэн
Ситэн кэлбит абылаан.

Хохой куобах барахсан
Куттамматах бөрөттөн,
Күүхүн-уюун мунньунан
Сүүскэ тыган түхэрбит.

Онтон ыла бөрөчөөн
Куота сылдьар ойуурга,
Кутуругун кумутан
Көстүбэkkэ сахаахтыыр.

Бөрөчөөнү абынан
Эхэ кэлбит алтахтаан,
Олус күүскэ хаяытаан
Ойуур иһин ныргиппит.

Куобах арай куттаммат,
Атахтарын үктээбит,
ОНтон ыла~~ж~~хэчээн
Атахтара мадьайбыт.



Тик-так, тик-так

Тик-так, тик-так
Бириэмэбит айанныыр,
Тук-тук, тук-тук
Тонсообойдут тонсуйар.

Чулк-чалк, чулк-чалк
Таммах түһэн чалымныыр,
Кап-кап, кап-кап
Ардах эмиэ таммалыыр.

Кук-куук, кук-куук
Кэбээтэн кэбийэр,
Чыып-чаап, чыып-чаап
Чыычаах ыллаан эргийэр.

Сарыабына баңа

Үөһэ халлаан устунан
Хара былыт халыйбыт,
Ардах түһэн таммалаан
Күөлтэн баңа тахсыбыт.

Сарыабына баңачаан
Коронатын иилиммит,
Обуруутун таастарын
Кылбачытан киэргэммит.

Дулђа аайы ыстанан
Көппөх күөлүн хайбаабыт,
Сахсырђаны ыйыстан
Киэһэ күөһүн ахаабыт.

Кыламанын бышынан
Турийаны көрбөтөх,
Атађыттан хаптаран
Көтө турбут халлаангна.

Футбол

Куобах уонна кутайах Шарик
булан үөрбүттэр, Ыраас
хонуу устунан
Футбол оонньоон сүүрбүттэр.

Ыраах көнө сыйыттан
Саһыл көрөн кыттыспыт,
Талах, ойуур быыһыттан
Ёжик taxсан батыспыт.

Куобах, саһыл сымсалар
Мээчик курдук тэйэллэр,
Кутайахчаан барахсан
Ситэн ылбат – кырачаан.

Ёжик хаппыт шаригы,
Көхсүтүгэр бырахпыт –
Сытыы элбэх иннэбэ
Шарик тэстэн «паш» гыммыт.



Саңа киһи

Күүпүт күммүт дъэ үүннэ,
Сана сиэммит бу кэллэ,
Үөрүү-көтүү үрдээтэ,
Кэлии-барыы үксээтэ.

Утум тардан буоллаңа
Кими эрэ баттаңа,
Баңа санаа туоллаңа,
Кутун кытта туттаңа.

Олус кыра бэйэтэ
Көтөх көрдөөн эймэнэр,
Тула көтөр ийэтэ,
Сыллаан ылар аҗата.

Күнүн аайы эбиллэр,
Дьонун көрөн син билэр,
Онтон үөрэн мичинниир,
Суутун ыһан тэбиэлиир.

Эбээ, эхээ сүрэбин
Сүүйэн ылта түргэнин,
Олох дыкти бэлэбин
Иэйэн кэлтэ кэрэтин!

ИЙНЭЭБИТЭ

Аан тыл.....	3	Быраас буолуобум.....	30
Сайын	4	Ооđуй	32
Хаар	5	Уруhий	34
Саас кэллэ.....	6	Күhүн	35
Ийэм миэнэ	7	Остуоруя	36
Санга хаарга ким хаамта? ...	8	Саахыматчыт ођолор	38
Ийэм миигин кэтэhэр.....	9	Ођуруот	40
Алта сааспын туолбутум...	10	Сэбиэскэй Аармыйа күнүгэр....	41
Теннис	11	Светофор	42
Кыайыы күнэ.....	12	Балыксыт	44
Санга дыылга	13	Санга дыылынан!.....	46
Мин суоппар буолуом.....	14	Сири Эйэ кууhохтун!.....	47
Худуонунньук буолуобум .	16	Күн хомус ырыата	48
Этин эрэ миэхэбэ	17	Кыhын	49
Кымырдајас	18	Кырыымпа	50
Сир aha.....	20	Дъөhөгөйүм ођото	51
Куоскам	22	Айылџам иhийдэ.....	52
Ол мин дойдум – Сахам сирэ!....	23	Хаар.....	53
Хаар киhi	24	Туус манган кубалар.....	54
Эбэрдэ эйиэхэ, уhуяаан! ..	26	Сааскы хатааhын	56
Уhуяааммыт	27	Туллуктар.....	57
Сыыртан түhэ оонньуубут	28	Үнкүү алыба.....	58
Багира	29	Ийэм курдук	59

Туос иһит	60	Эхээ обото – Айсен	74
Эбэм	62	Куула тыаба ойуурга	76
Кыра балтым	63	Ымыы чыычаах	77
Дъэдьэн сыта	64	Түүн	78
Булчуттар	65	Пятачок	80
Сана үйэ киһитэ	66	Кэбэлэр	81
Тымныы Кыһын ојонньор ...	67	Хорсун куобах	82
Куукулабар	68	Тик-так, тик-так	84
Туйгун уол	70	Сарыабына баја	85
Сулус – кыра уол	71	Футбол	86
Миигин бары таптыыллар	72	Сана киһи	88
Сайын кэлбит	73		

Литературно-художественное издание

Корякина Римма Иннокентьевна-Хотууна

СТИШКИ МАЛЫШАМ

Якутск, «Дани-Алмас», 2019

На якутском языке

Уус-урган таһаарыы

Корякина Римма Иннокентьевна-Хотууна

ҮҮ-ЧУКУЧУКТАРГА ТЭТТИКТЭР

Эрэдээктэр M.C. Захарова

Ойуу-бичик эрэдээктэрэ C.E. Стручкова

02.10.2019 бэчээккэ илии баттанна. Киэбэ-кээмэйэ 15*15/8
Офсетний бэчээт. Times Sakha гарнитура. Офсет кумаабыта.

Болдьох бэч.л. 10,69. Ахсаана 100 экз.

Сакаанын №-рэ 2236.

Бэчээттэмmit сирэ: «“Дани-Алмас” компания» ХЭТ
677008, СӨ, Дьюкууский куорат, Билибин аат. уул., 10А.

Төл. 36-92-91.



Корякина Римма Иппокентьевна-Хотууна Дъааны оройонун Боруулаах нэйлиизгэр төрөөбүтэ. Дьокуускийдаа ѿ медучилишены бүтэрэн, Дьокууский 1-гы №-дээх төрүүр дынж акушеркалаабыта, Чуралчыга эмиэ идэтийн салбаан үлэлээбитэ.

Поэзия жанрыгар ођо сааыттан сууряарга холоммута. Бу кинигэж Хотууна ођолорго аналлаах хоноонноро бэчээттэннилэр.

2010 сылтан хоноонноро «Чаран», «Күрүлгэн», «Айар Кут» сурунаалларга уонна «Сахалыныынан», «Айар кут – көнгүл иэйии» бөлөүү кытта уопсай хас да хомурууннукка айымнылара бэчээттэммитэ, ааптар бынныынан хас да кинигэлээх. Хоноонно улуус, республика күрэстэригэр кыттан бириистээх мизстэлэргэ хаста да тиксибитэ. Айар куттаах, сахалыныыннаах бөлөххө сыл тумүгүнэн «Бастын хонооннүүт» аатын ылбыта. Билигин «Чуралчы» литературний түмсүү салайааччытынан талыллан, айар үлэтин үөхүгэр үлэлий-хамсыы сылдьар.